

COMUNICATO n. 2512 del 14/09/2021

Traduzione in mòcheno

U'ganommen de nai konvenzion ont der nai statut van Gect Euregio

De provincial Junta van trentin hòt u'ganommen de nain tovl'n va de konvenzion ont van Statut van GCT Euregio Tirol – Sudtirolo- Trentin, der istituzional strument ver za mòchen òrbetn ont projekt'n ver en birtschòft ont hilf riven, durch a nèt'z va zòmmòrbet zbischn de region van drai lander. Der dokument rift se, ver de trentinische sait, der vurm va bècksl van zboa dokumentn, zan earstn unterschrim van drai presidentn van Autonome provinzn va Trea't ont va Poazn ont van Tiroler Land as de 14 van prochet 2011. Der doi to ist augongen der Europäische Grupp va zòmmòrbet van lander zòmpunt'n pet gschicht'n burzn ont praicht.

Pet en unterschrim va de Konvenzion ont van Statut van Euregio hòm se òlbe mear versterchert de zòmmòrbet'n zbischn de drai lander ont s sai' u'pfont an schouber projekt'n as hom gaholven de lokaln laitschòft'n.

En kurza zait de toalnehmer van GECT, no de bècksl'n as sai' kemmen gamòcht en de politiker, social ont birtschòft ont van nai'n òrbetn ont projekt'n ver de zaitn as hom za kemmen; s ist kemmen tschbunnen zòmm za gem de meglechket za hom de dokumentn verglaichert van akt'n va innsitz van glaiche dinst, asou za vongen u an process va vernaierung.

De nain tekst'n va de konvenzion ont van Statut hom va naieket a toal naia sochen as barn kemmen u'ganòmmen bail de presidenz regiart van trentin van GECT, as bart u'vongen van schanmikeal 2021 envire.

De doin sai' de bichtestn naieket'n:

- **Vergreasern de Zòmmtreff**, iaz gamòcht pet 15 toalnehmer (vouraus sai' se gaben 12), asou gamòcht: van president ont an òndern toalnehmer van esekutiv orgln van an iatn van drai saitn van GECT Euregio ont va drai toalnehmer (president ont òndra zboa toalnehmer), van gasèt'z orgln van drai toalnehmer van GECT; s ist asou vergreasert va zboa as drai de toalnehm van zòmmtrèff van toalnehmer van gasèt'z orgln van drai toalnehmer van GECT;
- **Moglechkait za innsitzn auskenneta Junte**, gamòcht va toalnehmer van regiar orgln as kennen se aus van dòin sòchen ont za meing gem en direkta òrbetn; de presidentn van doin auskenneta Junte bart sai' van regiar orgl va bou as toalnimp der President van GECT;
- **mòchen toalnehmen de gamoa'n**, durch s innsitz van Rot van Gamoa'n, an vrong orgl ver sòchen ont òrbetn ont temen as kearn en de gamoa'n ont s sèll as de hòm za tea' ont as dirèkt ver sei' sai', toalgandommen van vourstea'ner van Gamoa'n as sai' en de lander as kearn en Euregio Tirol – Sudtirolo – Trentin as hom an bolschicht;
- **mòchen toalnehmen de lait**, turch s innsitz va Rotn gamòcht ver dòs va lait va de gamoa'schòft ver za enviretrong bichtega temen ver en GECT, pet de moglechkait za vourtrong òrbetn ont naia projekt'n vourtschbunnen pet en rècht va petizion.

Ibersetz gamòcht van Sprochtirl va de Tolgamoaschòft Hoa Valzegu' ont Bersntol
(Traduzione a cura dello Sportello linguistico della Comunità Alta Valsugana e Bersntol)

(cdt)